



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-292-2/22**

Datum: **15.06.2022. godine**

«Agencija za vodno područje rijeke Save» Sarajevo, rješavajući po zahtjevu fizičkih lica: Kljajić Ruža, Kljajić Renato i Kljajić Mirko iz Žepča za donošenje rješenja o vodnoj saglasnosti za izgradnju sistema prikupljanja i tretmana tehnoloških otpadnih voda sa lokaliteta samouslužne autopraonice koja se planira graditi na zemljištu označenom kao k.č. 1017/7 K.O. Novi Šeher, općina Maglaj, na osnovu člana 109. stav (1) tačka 2. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99),
donosi

R J E Š E N J E **o vodnoj saglasnosti**

1. Investitorima, Kljajić Ruži, Kljajić Renatu i Kljajić Mirku iz Žepča, daje se vodna saglasnost za izgradnju sistema prikupljanja i tretmana tehnoloških otpadnih voda sa lokaliteta samouslužne autopraonice koja se planira graditi na zemljištu označenom kao k.č. 1017/7 K.O. Novi Šeher, općina Maglaj, a na osnovu projektne dokumentacije:
 - Glavni projekat prikupljanja i zbrinjavanja otpadnih voda samouslužne autopraonice (k.č. 1017/7 K.O. Novi Šeher-općina Maglaj), urađen juna 2022. godine od strane «ES HYDROTECHNICS» d.o.o. Sarajevo, revidovan juna 2022. godine od strane «TEAM HIDRO» d.o.o. Sarajevo.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost može se koristiti isključivo za potrebe izdavanja odobrenja za građenje i okolinske dozvole.
4. Ova saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa a sve u skladu sa važećim zakonskim propisima, odlukama i sl.
5. Vodna saglasnost se donosi na osnovu pregleda dostavljene projektne dokumentacije iz tačke 1. ovog Rješenja, utvrđenog činjeničnog stanja i pod sljedećim uslovima:
 - 5.1. Radove na izgradnji sistema prikupljanja i tretmana tehnoloških otpadnih voda izvesti u skladu sa ovjerenom projektnom dokumentacijom iz tačke 1. ovog Rješenja.
 - 5.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 5.3. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 5.4. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 5.5. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
 - 5.6. Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 5.7. Podnosilac zahtjeva je obavezan ispoštovati uslove iz Rješenja o urbanističkoj saglasnosti, broj: 05-19-3-4435/21 izdatog 26.05.2022. godine od strane Službe za urbanizam, geodetske i imovinsko pravne poslove općine Maglaj.

6. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
7. Po završetku izgradnje predmetnih radova i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
8. Investitor je obavezan pridržavati se svih mjera i uslova propisanih u ovoj vodnoj saglasnosti i saglasnostima izdatim od strane drugih nadležnih organa.
9. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom roku ne bude pribavljeno odobrenje za građenje i započeti radovi na izgradnji samouslužne autopraonice u skladu sa glavnim projektom iz tačke 1. dispozitiva ovog Rješenja.
10. Ovo Rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

U ime investitora: Kljajić Ruže, Kljajić Renata i Kljajić Mirka iz Žepča, dana 13.06.2022. godine, ovoj Agenciji se obratio opunomoćenik, odvjetnik Miroslav Tadić iz Žepča, sa zahtjevom za donošenje rješenja o vodnoj saglasnosti za izgradnju sistema prikupljanja i tretmana tehnoloških otpadnih voda sa lokaliteta samouslužne autopraonice koja se planira graditi na zemljištu označenom kao k.č. 1017/7 K.O. Novi Šeher, općina Maglaj.

U provedenom postupku dostavljena je i pregledana sljedeća dokumentacija:

- Punomoći zastupnika podnosioca zahtjeva,
- Ovjerena kopija lične karte Investitora Kljajić Ruže,
- Kopija Rješenja o urbanističkoj saglasnosti, broj: 05-19-3-4435/21 izdatog 26.05.2022. godine od strane Službe za urbanizam, geodetske i imovinsko pravne poslove općine Maglaj,
- Kopija Rješenja o prethodnoj vodnoj saglasnosti, broj: UP-1/21-1-40-529-4/21 izdatog 26.11.2021. godine od strane ove Agencije,
- Glavni projekat prikupljanja i zbrinjavanja otpadnih voda samouslužne autopraonice (k.č. 1017/7 K.O. Novi Šeher-općina Maglaj), urađen juna 2022. godine od strane «ES HYDROTECHNICS» d.o.o. Sarajevo, revidovan juna 2022. godine od strane «TEAM HIDRO» d.o.o. Sarajevo,
- Izvještaj o izvršenoj tehničkoj kontroli – reviziji projektne dokumentacije, urađen juna 2022. godine od strane «TEAM HIDRO» d.o.o. Sarajevo,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozima, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon uvida u dostavljenu dokumentaciju konstatovano je sljedeće:

Objekat samouslužne autopraonice se planira graditi na zemljištu označenom kao k.č. broj: 1017/7 K.O. Novi Šeher, općina Maglaj. Na predmetnoj parceli planirana je izgradnja samouslužne autopraonice sa dva boksa i kontejnerom za smještaj potrebne prateće opreme. Pored boksova za pranje vozila planiran je i boks za suho čišćenje – usisavanje vozila.

Za tretman tehnoloških otpadnih voda planiran je separator ulja i masti sa prelivom prečišćenih voda, koja se preko okna za monitoring ispušta u rijeku Liješnicu.

Sanitarno-fekalnih otpadnih voda nema na lokalitetu autopraonice.

Snabdijevanje vodom planiranog objekta biće riješeno priključkom na postojeći lokalni vodovod.

Podnosilac zahtjeva je pribavio Rješenje o urbanističkoj saglasnosti od nadležnog organa čime se potvrđuje da predmetna lokacija nije u koliziji sa planskom dokumentacijom općine Maglaj.

Podnosilac zahtjeva je za potrebe izrade Glavnog projekta prikupljanja i zbrinjavanja otpadnih voda samouslužne autopraonice, angažirao projektну kuću «ES HYDROTECHNICS» d.o.o. Sarajevo, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene

novine Federacije BiH» broj 17/08). Projektna dokumentacija je revidovana od strane ovlaštenog pravnog lica «TEAM HIDRO» d.o.o. Sarajevo.

U dokaznom postupku utvrđeno je da je projektna dokumentacija urađena je na nivou glavnog projekta a sve u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-529-4/21 od 26.11.2022. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat prikupljanja i zbrinjavanja otpadnih voda samouslužne autopraonice (k.č. 1017/7 K.O. Novi Šeher-općina Maglaj), urađen juna 2022. godine od strane «ES HYDROTECHNICS» d.o.o. Sarajevo, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.ing.građ.

Prilog: - Ovjeren Glavni projekat prikupljanja i zbrinjavanja otpadnih voda samouslužne autopraonice (k.č. 1017/7 K.O. Novi Šeher-općina Maglaj), urađen juna 2022. godine od strane «ES HYDROTECHNICS» d.o.o. Sarajevo,
- Izvještaj o izvršenoj tehničkoj kontroli – reviziji projektne dokumentacije, urađen juna 2022. godine od strane «TEAM HIDRO» d.o.o. Sarajevo,

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- Odvjetnik Miroslav Tadić (sa prilogom)
Ul. Prva bb, 72230 Žepče
- Ⓢ AVP Sava - ISV Vodna knjiga
- Sektor 40 - Arhiva
- Oglasna ploča AVP - Sava